

近代中國史料叢刊第三十三輯  
沈 雲 龍 主 編

鮑忠壯公（超）年譜

李叔璠編

文藻出版社印行

## 敬向 讀者聲明

「鮑公年譜」，係從日本著名圖書館攝製微捲（Microfilm）放大影印，惟發現缺第六頁後半頁及第七頁前半頁，刻正查詢補攝，一俟寄到，即將缺頁影印補奉，如係原本有缺，當另設法，務期完整，誠恐時日稽延，尙祈讀者諒原是幸。

文海出版社李振華謹 啓

民國五十八年  
三月二十日

鮑公年譜

李叔璠編輯

公名超字春靈姓鮑氏先世湖北蒲蘄人曾祖諱自廷  
公始遷居四川夔州府奉節縣卜居北鄉獨樹村祖諱  
父碧父諱昌鳳母劉太夫人生子四公其季也

道光八年戊子公一歲

十七年丁酉公十歲奉劉太夫人命承堂叔昌元公嗣  
二十一年辛丑公十四歲十二月劉太夫人謝世公日

夜號慟嗣父母以爲憂婉勸之哀少節而面目間常有  
淚痕鄉黨以是咸稱其孝

二十五年乙巳公十八歲人行伍隸步軍籍

三十年庚戌公二十三歲娶夫人羅氏

咸豐元年辛亥公二十四歲粵匪洪秀泉楊秀清等潛  
於桂林星墟場蓄髮爲逆煽惑愚民襲踞永安州勢張  
甚公素懷壯志至是往投軍營以戰功得六品頂戴

三年癸丑公二十六歲時粵逆已由湖南竄陷湖北安

鮑公年譜

李叔璣

公名超字春韋性簡氏先世湖北蒲圻  
公始遷居四川夔州府奉節縣卜居北  
文習父諱昌鳳母劉太夫人生子四公其  
道光八年戊子公一歲

十七年十酉公十歲奉劉太夫人命承業  
二十一年辛丑公十四歲十二月劉太夫

夜號慟嗣父母以爲憂婉勸之哀少節而面目間常有  
淚痕鄉黨以是咸稱其孝

二十五年乙巳公十八歲入行伍隸步軍籍

三十年庚戌公二十三歲娶夫人羅氏

咸豐元年辛亥公二十四歲粵匪洪秀泉楊秀清等潛  
於桂林星墟塲蓄髮爲逆煽惑愚民襲踞永安州勢張  
甚公素懷壯志至是往投軍營以戰功得六品頂戴

三年癸丑公二十六歲時粵逆已由湖南竄陷湖北安

徽金陵三省賊舟蔽江蔓延數千里湘鄉相國曾文正公以侍郎丁憂在籍有

詔起復治鄉兵念賊擾長江非舟師莫能制其死命創造戰

艦於衡州公奉調至水師隸楊公岳斌麾下當前鋒每臨戰必鼓棹在前及收隊常停橈殿後衆以是服其勇敢而公之愛知於曾楊二公亦自此始

四年甲寅公二十七歲四月賊再陷武昌逆舟數千南浮洞庭將泝湘江通兩粵湖南省危在旦夕曾文正公

誓師長沙水陸東下所向克捷公奮勇爭先焚燬賊舟  
最多論功得藍翎外委旋以攻克岳州擢千總八月收  
復武漢遷守備九月隨楊公克復田家鎮論功加都司  
銜賞換花翎十一月聞嗣父昌元公訃呼天搶地哀毀  
骨立自念身未顯揚父已見背又格於成例不能回籍  
終制痛不欲生從此臨敵殺賊益奮不顧身矣

五年乙卯公二十八歲屬武漢三淪於賊鄂撫胡文忠  
公林翼加治水師委公管帶中營戰艦仍隸楊公部下



六月自沌口繞入襄河攻克蔡甸順流而下將兩岸賊舟焚燒無遺直出大江收復漢鎮八月胡文忠公陸師潰於麥山勢甚危迫公飛棹往援拔胡文忠於重圍之中擊退羣賊還軍沌口招集散失胡文忠軍乃復振論功升都司加遊擊銜胡文忠公自麥山挫後加飭戎政留心步伍見公軍容甚整進退有方大異之深相器重凡遇兵事疑難無不虛衷諮訪蓋此時已不以部曲待公矣而公亦以國士報之遇事知無不言言無不盡胡

文忠公知公才堪大用疏稱鮑勇敢知兵請派往湖  
南募精兵迭來鄂省助勦已得

旨報可而楊公以公爲水師中第一人堅請留之胡文忠不  
得已暫止其行十一月隨楊公破賊於金口身受重傷  
胡文忠奏公屢立奇功膽識過人此次奮勇無前身受  
礮傷猶裹創追賊血戰忠勇冠軍實爲克復金口之首  
功得

旨擢遊擊賜壯勇巴圖魯名號

六年丙辰公二十九歲四月隨楊公下勦將沿江一帶  
賊舟焚燒淨盡五月逾首古隆賢糾衆由大江上援武  
漢公迎擊敗之僞翼王石達開復糾合大股分水陸上  
竄逆帆蔽江而至公率所部與楊公分頭勦捕焚燒賊  
舟不可勝計於是江河湖港一律肅清直達九江毫無  
梗塞嘗石逆之初至也氣燄張甚及受此大創狼狽而  
逃從此莫敢上犯武漢水陸官軍因得專力攻城未久  
卽能同時克復者皆水師擊敗援賊肅清江面之力也

捷聞奉

旨擢參將加副將銜胡文忠公念江面已無賊蹤援前

旨檄公赴長沙募陸勇三千人開靈字五營歸公統之十二

月率所部精兵抵鄂值武漢克復官軍正進攻小池口

胡文忠檄公前往會勦

七年丁巳公三十歲正月初五日督軍至小池賊先於

此地建有偽城城外周築營壘繞以深壕遙與對岸九


江互爲聲援公到之初卽將城外賊壘一律踏平斬首

三千餘生擒蕭陳二逆首及老賊百餘名斬之賊中有  
僞英王陳玉成者綽號四眼狗最狡悍聞官軍攻小池  
急自皖南斜家上犯將襲黃梅牽制我師公迎擊於路  
大敗之二月奉


補授陝西宜君營叅將三月十六日小池城賊乘月夜而  
出襲我孔隴大營公擊敗之乘勝攻城被滾木打傷左  
手右腿亦受鎗傷公勇氣百倍揮衆益進復被一鎗子  
打中腦門漿水迸流見者無不寒心而公並不自知痛

楚攻城會力及天曙收陳賊家蜂擁而出緊躡我軍之  
後公自爲殿緩轡徐行賊不敢追乃得全軍而還楊公  
聞公身受重傷命人迎至舟見傷中要害不禁哭失聲  
公曰爲國捐軀死復何憾所恨未能蕩滅此賊死不瞑  
目耳語畢紫血奔注昏去三日一息僅存家以爲萬無  
生理適有良醫至爲取出腦門錯子竟甦至今腦後低  
陷一窩深可容指卽此傷也四月二十二日陳玉成復  
糾皖賊竄擾黃梅大河舖一帶時公傷病未痊乃授部

將宋國承以方畧擊敗之陳玉成氣奪據險結寨聯營  
二十餘里更於大河鋪堅築三壘踞爲老巢五月十四  
日賊由大河鋪分擾十里鋪雙城驛將由廣濟武穴抄  
襲我軍之後絕我糧道以緩九江小池之圍公聞報力  
疾督軍直搗大河鋪賊巢一戰克之二十八日復破賊  
於十里鋪六月初一日賊由蕪廣分股萬餘人直撲黃  
梅十里鋪公力擊却之擒斬千餘名陳玉成忿甚糾合  
三江傳黨數十萬銳意上犯官軍之別將者數十營聞







亦知不敵何肯令諸君以身嘗試顧楚省乃南北關鍵  
雄據上游爲將來收復金陵之根本此地鄂之門戶若  
不力圖捍衛是我縱賊入室也身受

國恩每恨無可報稱明日決往破賊如有萬分一幸而克  
捷顧全大局不小否則身殉是役誓不與之共生也諸  
君有願以死報

國者與吾共功幸甚如不願者亦自任也請以卮酒誌別  
以表一時共事之雅諸將士皆慷慨激昂爭願以死自

効雖下逮夫役無不踴躍用命者公知士氣可用乃分  
飭五營將領俾各自指攻一壘申明軍法期在必克部  
署既定七月初一日五路併進公自率親軍深入重圍  
攻取賊之中營賊以大股來援則合五營將士及多公  
馬隊擊敗之再至再擊敗之追北十餘里仍分軍各攻  
前壘賊憑牆排放鎗礮密於雨點公左手及有股均受  
重傷血染袍袴曾不少却揮軍益進部將陳德懋陶忠  
泰相繼中礮死公憤甚親督勇士鏟塹填壕而過手攀

賊礮奮勇先登將士乘勝攻入賊悍甚拚死來拒猶鏖戰一時之久縱火焚其積聚烟燄蔽天賊始敗潰各將領見公破壘先入一時愧憤所激各殊死戰亦先後攻拔其壘軍聲大振士氣倍增且戰且攻勢如破竹無不迎刃而解至晚收隊共攻破賊壘四十八座殺賊五千有餘撲港溺斃者不計其數次日五鼓出隊賊膽已寒而我士氣百倍狗逆陳玉成親率悍賊二萬餘來拒公奮擊大破之狗逆隻身逃去乘勝逐北於是將甘家阪

楓樹嶺張家塢蔡家城袁祚驛王家河各處賊壘次第  
削平之殺賊不可勝紀圍獲萬餘內訛有長髮老賊七  
百餘及大小僞職百數十名斬之救出裹脅難民十餘  
萬奪獲大小礮位六百餘座旂幟器械堆積如山是役  
也公以三千人當數十萬虎狼之衆當時莫不爲公危  
而公竟以一戰勝之賊勢大阻全楚遂賴以安而我軍  
亦傷亡數千人先是胡文忠公謂公最喜攻堅常規戒  
之至是公謂人曰胡公屢次戒我攻堅固知愛我出於

八年歲次公三十一歲三月朔遊陳玉成自英霍一帶  
豕突狼奔襲踞湖北麻城黃安二縣公奉調回勦五月  
收復兩城值九江先於四月內克復公奉檄調進規太  
湖八月克其城斃賊六千有奇乘勝將雷公牌石牌一  
帶賊壘盡數蕩平陳玉成奔入集賢關堅壁待援又追  
而破之擒斬逆首陳飛熊斃賊尤多狗逆向皖南逃去  
捷聞奉

旨補授湖南綏靖鎮總兵於是鄂境肅清九月建軍大舉征

皖李忠武績賓由中路進已連克霍潛舒桐四縣城公  
率所部同都將軍與阿馬隊由宿太進直薄安慶省城  
屢戰皆捷立將城外壘卡一律蕩平晝夜攻城賊雖抵  
死抗拒而援絕糧空勢極窮況公命開挖地道潛運火  
藥其中已定期五日內轟城矣值狗逆陳玉成勾結捻  
匪竄擾江北一帶官軍近百營相繼挫敗十月十一日  
李忠武死綏三河口全軍覆沒公聞警謂衆曰江北及  
三河官軍新挫賊勢方張豈惟斷我歸途必且上竄武

漢如此則我軍餉精源絕繼得此城焉能爲守曷且旋  
軍鄂境再圍後舉衆因功已垂成猶豫未決公籌思至  
再必不可留亟請於都公乘夜拔營倍道疾馳至二郎  
河營壘未立而狗逸陳玉成已糾合三江悍黨并擒匪  
龔瞎子張落刑等有衆數十萬連陷舒桐潛太四城接  
踵而至公奮勇迎擊大敗之賊乃退就花涼亭荆橋一  
帶聯營數十里十一月初七日公督軍進勦賊悉衆列  
陣以待積厚百餘層橫長不見其際公併軍爲一路從



賊陣稠密處殺入縱橫衝突當者盡靡紛紛逃竄我軍  
緊追其後敗賊既不及歸壁守壘賊亦不敢出救遂北  
數十里擒斬偽成天侯韋廣新以下大小頭目三百餘  
名斃賊八千解散脅從數萬營中夫役知前敵大捷各  
具酒食往饒道經賊壘納喊而過守壘賊駭爲奇兵盡  
棄其壘四散奔逃夫役持擔杖逐而撻之斃賊無算亦  
可見當日軍聲之奪人矣十二月奉

上  
自給予軍功加一級

九年己未公三十二歲曾文正公大軍圍攻太湖城賊  
抵死抗拒十二月狗逆陳玉成率金陵悍黨并捻匪張  
落刑等自江浦瀘州定遠分道上犯衆至數十萬上下  
千餘里聞風震動公自太湖移營小池驛獨當賊衝多  
將軍隆阿馬隊軍於新倉蔣公凝學壁於龍家涼亭相  
距各數十里陳玉成因屢爲公敗力圖報復故專趨小  
池驛一路聯營百餘里步步逼近四面圍困緊壓霆營  
而壘其最近者乃至聲歎相聞而公毫不爲動賊日夜

環攻我營更番登進士卒多有傷痍者公惟撫以忠義  
自誓不退一步不棄一壘

十年庚申公三十三歲正月賊斷我糧道攻營益力鎗  
礮子密於兩點洞穿左軍棚帳如蜂房時或傷及公之  
左右公神色自如鎮之以靜惟隱以乏糧爲慮一夜正  
寤營忽聞壕外有呼門聲問之知爲賊營送米來者公  
喜其悞而又慮其詐也命人效賊裝出歷驗良確乃令  
分運五營計擒斬六百四十餘人得米三百二十餘石

圍困饑迫之中忽得此意外接濟衆以爲天授而士心益固矣時胡文忠駐軍英山深慮公衆寡弗敵屢有書囑公姑避賊鋒公不可至是聞賊斷我糧道又切函以促之公必不可復書有云狗逾雖悍技只此耳近因大雨兼旬未能出戰遂使狗得暫延殘喘三五日內天色晴霽保爲公破之何事先自倉皇預籌退步耶胡文忠壯其言維時所調大軍雖已陸續由後山繞至水吼嶺仰天菴高橫嶺乘高拊賊之背而連日接仗均未能大

挫賊鋒以故陳玉成仍得專注小池驛與公抗拒公孤  
軍措桂月餘心力俱瘁奮不可遏因預約各路大軍定  
期二十四日同時併舉四面圍剿至日公親督五營將  
士空壁而出直薄賊營各壘之賊皆出救圍我軍數匝  
公爲方陣施放連環鎗賊不敢逼公見東南高阜處戈  
矛林立中有黃衣賊勒馬指揮知爲陳途四眼狗也乃  
率精騎突圍直衝其陣當者無不辟易陳玉成大駭跳  
身遁去賊陣大亂山內外馬步各軍又從而夾擊之斃

賊難以數計俘獲三千有奇斬僞丞相將軍以下數百  
名乘勝追北又大破賊於羅山冲擒斬尤多太湖潛山  
次第收復是役也論者皆以公涉險而公以純忠之心  
秉至剛之氣爲大局策安危不以一身計利害將士感  
奮人人得其死力故能挫數十萬兇悍之鋒成二千里  
恢復之績見者驚心聞者咋舌其時公所部仍只三千  
人耳捷聞

賞加提督銜公以勤勞太過舊傷舉發曾文正胡文忠合詞

入奏請賞假調治三月離營五月至籍會蘇常失陷賊  
擾皖南糜爛不堪曾文正念途饑鴟張非公無可辦此  
賊者羽檄催促驛騎交馳於道胡文忠寓書於公其畧  
曰足下爲

國馳驅不遑將母者十年今甫天倫暢聚何敢遽作不情  
之懇速公來營第皖事甚棘非公莫辦請迎養太夫人  
南來康惠孝可以兩盡言詞肫切公因奉母携眷之鄂  
胡文忠爲買巨舟居之爲可隨時上下得以就近省親

也八月至漁亭大營曾文正廉公進攻休甯軍初到卽  
將城外壘卡次第蕩平殺賊千餘逼城而壘十月徽州  
竊賊遣大股來擾公分軍迎擊於萬安街敗之斬逆首  
謝金濃饒團九等十九名獲賊三千餘僞王李秀成  
復糾衆由蘇州上竄至羊棧嶺襲踞黟縣將抄我軍之  
後公飭部將宋國永擊賊於羊棧嶺大破之乘勝收復  
黟縣賊竄柏庄嶺又大破之生擒僞天將賴顯庸等三  
十七名斬首四千餘李秀成遁去捷聞



賞蘇博通額巴圖魯名號

十一年辛酉公三十四歲正月僞斗王黃文金僞孝王  
吳鼎文僞佑王李元濟僞將軍林世發許茂才等率大  
股賊竄景德鎮勢張甚曾文正檄公留部將圍攻休甯  
親督大軍進勦景德鎮賊聞公至遁往沙塘泥灣一帶  
築壘自固公至洋塘直逼賊壘立營初九日大破之斬  
逸首林世發許茂才於陣賊竄建德復集其悍黨於黃  
麥舖秧田坂一帶拒我追師二月十四日大破之直追